



Broj: 22-04-44-1-98/18  
Sarajevo, 09.04.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

**REDOVNI IZVJEŠTAJ**  
**za period od 07:00 sati 06.04.2018. do 07:00 sati 09.04.2018. godine**

U izvještajnom periodu Kantonalni operativni centar civilne zaštite primio je četiri informacije o pronalasku NUS-a, i to:

- dana 07.04.2018. godine, u 11:15 sati, od Policijske stanice Stari Grad, da se u njihovim prostorijama nalazi jedna ručna bomba koju je policiji predao građanin,
- dana 07.04.2018. godine, u 14:30 sati, od Općinske službe civilne zaštite Ilidža, da je u naselju Osjek, na travnatoj površini, pronađena jedna tromblonska mina,
- dana 08.04.2018. godine, u 12.22 sati, od Policijske stanice Trnovo, da je na lokalitetu Orlovo brdo, u blizini sela Trebečaj, pronađena jedna protivpješadijska mina (tzv. „pašteta“),
- dana 08.04.2018. godine, u 13:10 sati, od Općinske službe civilne zaštite Ilidža, da je na lokalitetu Begluk pronađen jedan nepoznat NUS.

Informacije o pronađenim ubojnim sredstvima prenesene su Timu za UES Federalne uprave civilne zaštite. Tromblonska mina, koja je pronađena u naselju Osjek, preuzeta je u subotu, 07.04.2018. godine, a preostala ubojna sredstva bit će uklonjena u narednom periodu.

**Općinska služba civilne zaštite Vogošća:** Dana 04.04.2018.godine nakon dojava građana naselja Svrake da je u ul.ici Svrake IV, uslijed aktiviranja klizišta, došlo do pojave pukotina na stambenim objektima, predstavnici Službe civilne zaštite izašli su na lice mjesta i od tada traju pojačane aktivnosti civilne zaštite općine Vogošća vezano za ovaj događaj. Dana 05.04.2018.godine održana su dva radna sastanka sa predstavnicima Zavoda za izgradnju Kantona Sarajevo kako bi njihovi eminentni stručnjaci iz te oblasti dali svoje mišljenje. Angažovana je i firma WINER PROJECT d.o.o.Sarajevo i ona je zadužena za monitoring klizišta. Obzirom da se nevjerovatan strah uvukao među stanovnike ulice Svrake IV jer su već imali iskustva sa klizištem, odlučeno je da se dvije porodice kod kojih su najizraženije pukotine na objektima privremeno dislociraju kod svoje najbliže familije.Uposlenici Općinske službe civilne zaštite Vogošća kontinuirano prate situaciju na ugroženom području.

**Profesionalna vatrogasna jedinica Kantonalne uprave civilne zaštite Kantona Sarajevo:** U izvještajnom periodu pripadnici Profesionalne vatrogasne jedinice imali su ukupno 17 intervencija, i to: 12 manjih požarnih intervencija, 4 intervencije na obezbjeđenju javnih događaja i 1 tehnička intervencija.

Napomena: U protekla 24 sata pripadnici Profesionalne vatrogasne jedinice imali su 5 (pet) manjih požarnih intervencija (tri na gašenju trave i niskog rastinja i dvije na gašenju zapaljenog smeća) i jednu tehničku intervenciju (spiranje ceste nakon saobraćajnog udesa).

**Federalni hidrometeorološki zavod:** Jutros u 07:00 sati temperatura u Sarajevu, je iznosila +10°C, vlažnost zraka 66%, a barometarski pritisak 939 hPa.

Danas, u periodu od 11:00 do 15:00 sati, na području Kantona Sarajevo očekuju se udari vjetra brzine od 40 do 50 km/h (nivo upozorenja: Žuto).

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

- Zbog obilježavanja Dana grada Sarajeva, do 10.05.2018. godine, od 08:00 do 18:00 sati, obustavlja se saobraćaj u ulici Radićeva (na dijelu od raskrsnice sa ulicom Obala Kulina bana do raskrsnice sa ulicama Mis Irbina i Branilaca Sarajeva). Alternativni pravac za vrijeme obustave je Kulovića-Branilaca Sarajeva-Radićeva.

PO OVLAŠTENJU DIREKTORA  
ŠEF CENTRA  
**Fahrudin Pribišić**

Dostavljeno:

- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- F OC
- a/a



web: <http://kucz.ks.gov.ba>; e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, + 387 (0) 33 556-670; Fax: + 387 (0) 33 566-671  
Sarajevo, Reisa Džemaludina Čauševića 1